

勝宗十句義論

四百廿七
畫十

51073



Faint, illegible text or markings on the left side of the page, possibly bleed-through from the reverse side.



Faint markings or characters on the right edge of the page.



勝宗十句義論一卷十

勝者慧月造 三藏法師 玄奘奉 詔譯

盡

有十句義一者實二者德三者業四者同五者異六者和合七者有能八者無能九者俱分十者無說

實句義云何謂九種實名實句義何者為九

一地二水三火四風五空六時七方八我九

意是為九實地云何謂有色味香觸是為地

水云何謂有色味觸及液潤是為水火云何

謂有色觸是為火風云何謂唯有觸是為風

空云何謂唯有聲是為空時云何謂是彼此

俱不俱遲速詮緣因是為時方云何謂是東



南西北等詮緣因是為方我云何謂是覺樂
苦欲瞋勤勇行法非法等和合因緣起智為
相是為我意云何謂是覺樂苦欲瞋勤勇法
非法行不和合因緣起智為相是為意德句
義云何謂二十四德名德句義何者名為二
十四德一色二味三香四觸五數六量七別
體八合九離十彼體十一此體十二覺十三
樂十四苦十五欲十六瞋十七勤勇十八重
體十九液體二十潤二十一行二十二法二
十三非法二十四聲如是為二十四德色云
何謂唯眼所取一依名色味云何謂唯舌所
取一依名味香云何謂唯鼻所取一依名香

觸法何謂唯皮所取一依名觸數云何謂一
切實和合一非一實等詮緣因一體等名數
量云何謂微體大體短體長體圓體等名量
微體者謂以二微果為和合因緣二體所生
一實微詮緣因是名微體大體者謂因多體
大體積集差別所生三微果等和合一實大
詮緣因是名大體短體者謂以二微果為和
合因緣二體所生一實短詮緣因是名短體
長體者謂因多體長體積集差別所生三微
果等和合一實長詮緣因是名長體圓體者
有二種一極微二極大極微者謂極微所有
和合一實極微詮緣因是名極微極大者謂

空時方我實和合一實極大詮緣因亦名遍
行等是名極大別體云何謂一切實和合一
非一實別詮緣因一別體等是名別體合云
何謂二不至至時名合此有三種一隨一業
生二俱業生三合生隨一業生者謂從有動
作無動作而生俱業生者謂從二種有動作
生合生者謂無動作多實生時與空等合離
云何謂從二不至不至名離此有三種一隨一
業生二俱業生三離生此中隨一業生及俱
業生如前合說離生者謂已造果實由餘因
離待果實壞與空等離彼體云何謂屬一時
等遠覺所待一實所生彼詮緣因是名彼體

此體云何謂屬一時等近覺所待一實所生
此詮緣因是名此體覺云何謂悟一切境此
有二種一現量二比量現量者於至實色等
根等和合時有了相生是名現量比量者此
有二種一見同故比二不見同故比見同故
比者謂見相故待相所相相屬念故我意合
故於不見所相境有智生是名見同故比不
見同故比者謂見因果相屬一義和合相違
故待彼相屬念故我意合故於彼畢竟不現
見境所有智生是名不見同故比樂云何謂
一實我德適悅自姓名樂苦云何謂一實我
德逼惱自姓名苦欲云何謂一實我和合希

求色等名欲瞋云何謂一實我和合損害色
等名瞋勤勇云何謂一實我和合待欲瞋我
意合所生策勵是名勤勇重體云何謂地水
實和合一實際墜墮之因是名重體液體云何
謂地水火實和合一實流注之因是名液體
潤云何謂水實和合一實地等攝因名潤行
云何此有二種一念因二作因念因者謂我
和合一實現比智行所生數習差別是名念
因作因者謂攬擲等生業所生依附一實有
質礙實所有勢用是名作因行謂勢用法云
何此有二種一能轉二能還能轉者謂可愛
身等樂因我和合一實與果相違是名能轉

能還者謂離。深緣正智喜。因我和合一實與
果相違。是名能還。非法云何謂不可愛身等
苦邪智。因我和合一實與果相違。是名非法
聲云何謂唯耳所取。一依名聲業句義云何
謂五種業名業句義。何者爲五一取業二捨
業三屈業四伸業五行業。取業云何謂上下
方分虛空等處。極微等合離。因依一實名取
業捨業云何謂上下方分虛空等處。極微等
離合。因依一實名捨業。屈業云何謂於大長
實依附一實近處。有合遠近處離合。因是名
屈業伸業云何謂於大長實依附一實近處
有合遠近處離合。因是名伸業。行業云何謂

一切質礙實和合依一實合離因名行業
同句義云何謂有性何者為有性謂與一切
實德業句義和合一切根所取於實德業有
詮智因是謂有性

異句義云何謂常於實轉依一實是遮彼覺
因及表此覺因名異句義

和合句義云何謂令實等不離相屬此詮智
因又性是一名和合句義

有能句義云何謂實德業和合共或非一造
各自果決定所須如是名為有能句義無能
句義云何謂實德業和合共或非一不造餘
果決定所須如是名為無能句義俱分句義

云何謂實性德性業性及彼一義和合地性
色性取性等如是名為俱分句義實性者謂
一切實和合於一切實實詮緣因於德業不
轉眼觸所取是名實性德性者謂一切德和
合於一切德德詮緣因於實業不轉一切根
所取是名德性業性者謂一切業和合於一
切業業詮緣因於實德不轉眼觸所取是名
業性地性等亦如是

所說句義云何謂五種無名無說句義何者
為五一未生無二已滅無三更平無四不會
無五畢竟無是謂五無未生無者謂實德業
因緣不會猶未得生名未生無已滅無者謂

實德業或因勢盡或違緣生雖生而壞名已
滅無更牙無者謂諸實等彼此牙無名更牙
無不會無者謂有性實等隨於是處無合無
和合名不會無畢竟無者謂無因故三時不
生畢竟不起名畢竟無

如是九實幾有動作幾無動作五有動作謂
地水火風意四無動作謂此餘實如有動作
無動作有質礙無質礙有勢用無勢用有彼
此體無彼此體應知亦尔如是九實幾有德
幾無德一切皆有德無無德實如一切皆有
德和合因緣有實性有異與果不相違有待
因亦尔如是九實幾有觸幾無觸四有觸謂

地水火風五無觸謂餘實如有觸無觸能造
實實德業因共不共亦亦如是九實幾有色
幾無色三有色謂地水火六無色謂餘實如
有色無色有可見無可見有對眼無對眼亦
亦如是九實五常四分別謂此四中非所造
者常所造者無常如常無常有實無實有細
分無細分因不相違非因不相違非邊有異
邊有異不圓圓亦亦如是九實五根四非根
何者為五謂地水火風空是根如是五根鼻
根即地味根即水眼根即火皮根即風耳根
即空如是九實地由幾德說名有德謂由十
四何者十 四 一色二味三香四觸五數六量

七別體八合九離十彼體十一此體十二重
體十三液體十四行水由幾德說名有德謂
由十四何者十四一色二味三觸四數五量
六別體七合八離九彼體十此體十一重體
十二液體十三潤十四行火由幾德說名有
德謂由十一何者十一一色二觸三數四量
五別體六合七離八彼體九此體十液體十
一行風由幾德說名有德謂由九何者九一
數二量三別體四合五離六彼體七此體八
觸九行空由幾德說名有德謂由六何者六
一數二量三別體四合五離六聲時由幾德
說名有德謂由五何者五一數二量三別體

四合五離如時方亦尔我由幾德說名有德
謂由十四何者十四一數二量三別體四合
五離六覺七樂八苦九欲十瞋十一勤勇十
二法十三非法十四行意由幾德說名有德
謂由八何者八一數二量三別體四合五離
六彼體七此體八行

如是色等二十四德幾是現境幾非現境色
味香觸或是現境或非現境去何現境謂若
依附大非一實是名現境去何非現境謂若
依附極微及二極微果名非現境聲一切是
現境如色味香觸數量別體合離彼體此體
液體潤重體勢用亦尔覺樂苦欲瞋勤勇是

我現境法非法行唯非現境此諸德中幾是
所作幾非所作覺樂苦欲瞋勤勇法非法行
離彼體此體聲唯是所作餘或所作或非所
作色味香觸若地所有皆是所作色味觸液
體潤極微和合者非所作二微果等和合者
是所作重體亦亦如非所作是所作常無常
亦如是如水所有火所有色觸風所有觸亦
亦地火所有液體一切是所作一數二別體
隨所作非所作實和合成所作非所作二體
等數二等別體一切是所作大體微體短體
長體一切是所作圓體一切非所作諸質礙
及質礙非質礙合是所作如所作非所作常

無常亦如是此諸德中聲觸色味香各一根
所取數量別體合離彼體此體液體潤勢用
眼觸所取如是諸德誰何爲因色味香觸同
類爲因者謂二微果等和合火合爲因者謂
地所有諸極微色味香觸地及火所有液體
地水所有重體及水所有液體潤二微果等
和合同類爲因一數一別體二微果等和合
同類爲因二體等數二別體等別體同類不
同類爲因一體別體彼覺爲因大體長體因
多體大體長體積集差別爲因微體短體因
二體爲因合離隨一業俱業合離爲因彼體
此體一等時相屬待遠近覺爲因智有二種

謂現及比現有四種一猶豫智二審決智三
邪智四正智猶豫智以何爲因非一同法現
量爲先待各別異念我意和合爲因爲何物
智名猶豫智審決智以何爲因猶豫智爲先
待各別異印我意和合爲因定是此智名審決
智邪智以何爲因非一同法現量爲先待各
別異見我意和合爲因暗決斷智是名邪智
正智以何爲因非一同法現量爲先待各別
異現量我意和合爲因無顛倒智是名正智
如現比亦亦現量有三種一四和合生二三
和合生三二和合生四和合生現量云何謂
了相於至色味香觸數量別體合離彼體此

體重體液體潤勢用地水火實取等業有性
除聲和合有能無能聲性於俱分有能無能
所有智我根意境四和合爲因三和合生現
量去何謂於聲及聲和合有能無能聲性有
性境所有智我根意三和合爲因二和合生
現量云何謂於樂苦欲瞋勤勇境及彼有能
無能俱分有性境所有智我意二和合爲因
比量謂所和合一義和合相違智爲先待合
等相屬合我意合爲因樂苦待法非法四三
二和念爲因欲瞋待樂苦念邪智我意合爲
因勤勇待欲瞋我意合爲因及命緣爲因不
欲故與入出息等業爲因勢用以何爲因攬

擲生業勢用爲因法非法欲瞋爲先待聞念
遠離法非法能成淨不淨密趣俱我意合爲
因念因行待現比智行我意念爲因聲有三
種一合生二離生三聲生合生者有觸實合
勢用俱有觸實空處合爲因離生者有觸實
離勢用俱有觸實空處離爲因聲生者有觸

實合離勢用待無障空處聲爲因如是二十

四德幾依一實幾依非一實色味香觸量彼

體此體覺樂苦欲瞋勤勇法非法行重體液

體潤勢用聲此二十一皆依一實合離依二

實數或依一實或依非一實何者依一實謂

一數何者依非一實謂二體等數如數別體

亦如是二十四德幾遍所依幾不遍所依色
味香觸數量別體彼體此體液體潤重體勢
用遍所依餘不遍所依如是二十四德誰與
誰相違合離生聲能造餘聲一切聲果相違
法樂正智果相違非法苦邪智果相違一切
智行果相違差別智一切智行果相違最後
聲一切因相違最後我德亦亦樂苦欲瞋果
相違法非法因相違欲瞋勤勇果相違樂苦
因相違中間所有聲亦亦我德勤勇苦有觸實
合二非果因相違行我德行念因與苦非果
因相違行念因果相違作因有觸實合非果
相違二性等數與二等覺果不相違如二體

等數二別體等別體彼體此體亦尔色味香
觸地所有極微和合者與大合非果因相違
合離展轉非果因而相違一實極微色等能
造同類二微等色同類果不相違最後有分
實色等果與因色等同類不相違中間所有
有分實色等與同類果因色等不相違一實
色等展轉非果因不相違一切德與實不相
違如是二十四德幾有實幾無實一切有實
如有實無德無動作非和合因緣是有德實
之標幟無質礙無細分亦尔如是五業幾有
實幾無實一切有實如有實依一實無質礙
無德無細分離合之因能作所作事不積集

實之標幟足攬擲等所待行之因非同類爲
因亦亦如是五業誰依何實取業以一切地
水火風意爲所依如取業捨業行業亦亦屈
業以極舒緩細分安布差別果大長實爲所
依如屈業伸業亦亦如是五業幾遍所依幾
不遍所依一切遍所依有說依附極微意者
遍所依依附二微等者不遍所依如是諸業
若在内者以身及彼因緣身所合鼻味皮眼
根并意爲和合因緣此中身業初者以欲爲
先我合勤勇爲不和合因緣第二等亦以行
爲不和合因緣如身業在意及細分業亦亦
鼻味皮眼業初者以我合勤勇身合爲不和

合因緣第二等亦以行爲不和合因緣如鼻
等業在杵等仗及在屬身鬘瓔珞塗香等業
亦尔睡者身墮落業初者以重性爲不和合
因緣第二等以重體行爲不和合因緣睡者
入出息業或睡者不欲故初者以命緣爲先
勤勇我合爲不和合因緣第二等亦以行爲
不和合因緣如下流水初者以液體爲不和
合因緣第二等以液體行爲不和合因緣火
之上然風之傍扇初者以法非法我合爲不
和合因緣第二等如前說四大極微造身因
緣初業以法非法我合爲不和合因緣第二
等如前說如爲造身爲造樹等變異及在二

微等業亦尔意趣向及棄背業初者以法非法我合爲不和合因緣第二等如前說地足業表衆生利益不利益異熟初者以法非法我合爲不和合因緣第二等如前說在地水火擲打相應業以合重體液體勤勇勢用爲不和合因緣如其所應有取等業若在火除

重體若在風除液體若在意除打擲如是有性爲是所作爲非所作定非所作如非所作常無德無動作無細分亦尔有實德業除固有能無能俱分異所和合一有同詮緣因別有異於實轉依一實遮餘覺因表此覺因空方時轉空等想因常非所作無德無動作

無細分除有性有能無能俱分異所和合非一
和合是一常非所作無細分無質礙一切實
德業同異有能無能俱分生至因詮緣相如
是有能爲是所作爲非所作定非所作如非
所作常無德無動作無細分無質礙亦合於
實德業上各別除同有能無能俱分異所和
合非一同詮緣相是謂有能無能亦俱分
實性遍實句義所和合一無質礙無細分無
動作無德常非所作諸實展轉共即此與德
業異德性業性地等性亦介
如是五種無說句義幾常幾無常未生無是
無常與實德業生相違故已滅無更無無畢

竟無皆是常不遺實等故不會無有常有無
常云何常如地等實餘德不和合若實性等
同異及有能無能異除自所依於餘處不和
合若有性於同等不和合云何無常謂實與
實雖未相應當必相應此於彼無若於實所
有實德業當必和合彼於此無如是五無幾
是現量境幾非現量境一切非現量境亦不
依他轉皆比量境此十句義幾是所知幾非
所知一切是所知亦即此詮因

勝宗十句義論一卷十

盡

液潤

上音量

正作量

擯

上七

標幟

上必苗

幟

